

SHËRBESA E PESË BUKËVE

Kjo Shërbese bëhet pas Shërbesës së Mbremës, ose pas Shërbesës së Mengjezit, përpara Meshës. Mi një tryeze, në mes të Kishës, vihet një enë me grurë, një shishe me vaj, një shishe me verë, dhe pesë buke. Dhjaku thotë Litanië e Gjere:

DHJAKU: Meshirona, o Perëndi, pas meshirës sate së madhe, të lútemi, degjój dhe meshirój.

KORI: Meshirój, o Zot (3 here).

DHJAKU: Lútemi edhe për meshirën, jetën, paqen, shëndetin, shpëtimin edhe ndjesën e mëkátave të shërbetóreve të Perëndisë (aksh).

KORI: Meshirój, o Zot (3 here).

PRIFTI: Se ti je Perëndi meshirëplót e njeri-dashës, dhe ty të dergojmë lavdí, Atit e Birit edhe

Shpirtit Shenjt, taní e përherë dhe në jetet e jeteve.

KORI: Amín.

Pastáj Dhjaku temjanís reth Tryezes, dhe këndohet tri here ky Tropár me T. T. I:

Virgjëreshë hirplotë, Nën' e shenjtes gezohu, se Zoti është me ty; se e bekuar ti në grate je, edhe e bekuar është pema e barkut tënt, se shpirtet na shpëtó j aý, Bir që linte ti.

DHJAKU: Le ti lútemi Zotit.

KORI: Meshiró, o Zot.

Pastáj Prifti merr një prej të pesë búkeve, nën shenjen e Kryqit me të, dhe thotë me zë të lartë Uraten e Pesë Búkeve:

PRIFTI: O Zoti Jesú Krisht, o Perëndia ynë, që bekove të pesë buket në shkretëtirë, dhe ngjijne pesë mijë veta, ti bekoji edhe këtë bukë me grurin, me verën dhe me vajin, edhe shumojni në këtë shtëpi të shenjtes, dhe në tërë botën tënde, dhe shenjterojni besnikët, që pjesëtojnë prej syresh. Se ti i bekón, dhe i shenjterón të gjitha, o Krisht, o Perëndia ynë, dhe ty të dërgojmë lavdi, bashkë me Atin e panismë dhe me Shpirtin e tërëshenjtë dhe të mirë dhe jetëberës, taní e përherë dhe në jetet e jeteve.

KORI: Amín.

Pastáj Prifti merr një bukë, dhe hyn në Shenjteroren, dykë kënduar në T. R:

Të pásurit u-varfëruan, edhe mbetne pa bukë; po atá që kërkojne Zotin, do të trashëgojnë të gjitha të mirat.